

## **Kalaallit Nunaanni suliffissarsiortut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersaq**

Kalaallit Nunaanni suliffissarsiuussisarneq pillugu Inatsisartut peqqussutaanni nr. 11-mi 16. december 1988-imeersumi § 5, imm. 4 aamma § 8, imm. 3 aamma Kalaallit Nunaanni suliffissarsiortut killilersimaarnissaat pillugu Inatsisartut inatsisaanni nr. 27-mi 30. oktober 1992-imeersumi § 6 inun. 4 aamma § 8 naapertorlugu makku aalajangersarneqarput:

**§ 1.** Atorfik matuma ataani atorfiit taaneqartut iluanniittoq Kalaallit Nunaanneersumik imaluunniit immikkut Kalaallit Nunaannut attuumassutilimmik inuttalersinnaanngikkaanni sulisitsisoq pisussaavoq sulisussamik avataaneersumik atorfinitsitsinissamut imaluunniit sulisitsinissamut akuersissummik qinnuteqassalluni. Atorfinnut makkununga nunami umiarsuarnilu assartuutini atorfinitsitsinissanut akuersissut atorfinitsitsinnginnermi qinnutigineqarsimassaaq:

- 1) Atorfinnut suliamik ilinniagaqarsimanngitsunik inuttalerneqarsinnaasuni.
- 2) Atorfinnut suliassamut naapertuuttumik suliffiutilimmi ilinniagaqaqqaarluni, inuutissarsiutinut tunngaviusumik ilinniagaqaqqaarluni imaluunniit Siamasissumik Tunngaviusumik Ilinniartitaaneq atorlugu ilinniagaqaqqaarluni atorfiniffigineqarsinnaasuni.
- 3) Atorfinnut annerusumik soorlu inunnik isumaginnittussatut aamma isumaginninnermi siunnersortitut ilinniagaqaqqaarluni atorfiniffigineqarsinnaasuni.
- 4) Atorfinnut imarsiornerup tungaatigut annertunerusumik ilinniagaqaqqaarluni atorfiniffigineqarsinaasuni.

**§ 2.** Suliffissarsiuussisarfik aqqutigalugu konununalbestyrelsimut sulisussanik avataaneersunik atorfinitsitsinissamut imaluunniit sulisitsinissamut akuerineqarnissamik qinnuteqaat immikkut immersugassiaq atorlugu sulisitsisumit qinnuteqaatigineqassaaq.

*Imm. 2.* Qinnuteqarfissatut immersugassami paasissutissat makku allanneqassapput:

- 1) Sulliviup aqqa, sumiiffia sulisitsisutullu normua.
- 2) Suliap sumut tunngasuunera.
- 3) Atorfiup qinnutigineqartup taaguutaa imaatalu allaaserineqarnera.
- 4) Pisinnaassutsimut piukkunnassutsimullu piumasarineqartut.
- 5) Atorfeqartitaanissap imaluunniit sulisinneqarnissap aamma sapaatip akunneranut sulisarnissap sivilisussusissaat.
- 6) Atorfininnissami aningaasartuutissat, ineqarnissaq akissarsianullu tunngassuteqartut pillugit paasissutissat.
- 7) Atorfiup Kalaallit Nunaanneersumit pineqarnissaa pillugu iliuuserisimasanik paasissutissat, tak. imm. 3.
- 8) Inuup atorfinnut atorfinitsinneqalersaartup, tamanna ilisimaneqalersimappat, aqqa.
- 9) Inuup atorfinnut atorfinitsinneqalersaartup Kalaallit Nunaannut attuumassutigisinnaasaa.

*Imm. 3.* Sulisartup Kalaallit Nunaanneersup qinnutaa sulisitsisup itigartissimaguniuk, tak. imm. 2 nr. 7, qinnuteqaat itigartitsinermut tunngaviliussamik imaqassaaq.

**§ 3.** Pisinnaassutsimut piukkunnassutsimullu piumasarineqartunik piumasai atorfiup imarpiaanun naapertuutissapput, suliasallu iluanni piumasarisasunik qaangiisoqassanani.

**§ 4.** Sulisumik avataaneersumik atorfinitsitsinissamut imaluunniit sulisitsinissamut qinnuteqaat suliffissarsiuussisarfiup tiguguniuk sulisartumik Kalaallit Nunaanneersumik atorfirmut piukkunnaateqartumik imaluunniit sulisussamik Kalaallit Nunaannut immikkut ittumik attuumassuteqartumik atorfirmut innersuussisoqarsinnaanersoq misissussavaa, tak. inatsimmi § 4. Innersuussineq suliffissamik innersuussisarneq pillugu malittarisassatut aalajangersakkat naapertorlugit pissaaq.

**§ 5.** Kommunalbestyrelsip sulisumik avataaneersumik atorfinitsitsinissamik imaluunniit sulisitsinissamik akuerineqarnissamik qinnuteqaat itigartitsissutigissavaa atorfik sulisartumut Kalaallit Nunaanneersumut piukkunnaateqartumut innersuussutigineqarsinnaappat. Tamatumunnga peqatigitillugu suliffissarsiuussisarfiup sulisartoq pineqartoq sulisitsisumut innersuutissavaa.

*Imm. 2.* Kommunalbestyrelsi sulisussamik avataaneersumik atorfinitsitsinissamut sulisitsinissamulluunniit akuersissuteqassaaq, illoqarfimmi suliffissarsiuussisarfirmut imaluunniit Kalaallit Nunaanni suliffissarsiuussisarfinnit allanit sulisussamik Kalaallit Nunaanneersumik imaluunniit Kalaallit Nunaannut immikkut ittumik attuumassutilimmik piukkunnartumik pisinnaassusilimmik innersuussisoqarsinnaangippat.

*Imm. 3.* Kommunalbestyrelsip akuersissut piffissamut killilerneqassasoq kissaatigippagu, tak. inatsimmi § 6 imm. 2, tamanna akuersissutikkut nalunaarutigineqassaaq.

*Imm. 4.* Itigartitsissut akuersissulluunniit immersuiffissiakkut immikkut tassunga atugassiaasukkut sapinngisamik piaarnerpaamik kingusinnerpaamillu qinnuteqaatip suliffissarsiuussisarfirmut tiguneqarneraniit ullut 14-it qaangiutinnginneranni nalunaarutigineqassaaq.

**§ 6.** Sulisussamik avataaneersumik ajoquseriataarnermut, ajutoornernut imaluunniit qinnuteqartup pisussatut naatsorsuutigereersinnaangisaanut, aamma aaqqiigasuarinissamik iluarsaassigasuarnissamilluunniit pisariaqartitsilluinnarnermut atatillugu sulisussamik qinnuteqartoqarpat tamatumunnga itigartitsissut akuersissulluunniit suliffissarsiuussisarfiup qinnuteqaammik tigusineraniit kingusinnerpaamik ullut marluk qaangiunneranni nalunaarutigineqassaaq.

*Imm. 2.* Qinnuteqartup nammineerluni qinnuteqaat nal. 12.00 nallertinnagu suliffissarsiuussisarfirmut tunniussimappagu itigartitsissut akuersissulluunniit aqaguani nal. 10.00 nallertinnagu nalunaarutigineqarsimassaaq.

**§ 7.** Qinnuteqaat § 6-imi iliuuserineqartartut malillugit suliarineqassasoq kissaatigigaanni tamanna qinnuteqartup allaganngorlugi qinnuteqaammimi erseqqissumik nalunaarutigissavaa.

*Imm. 2.* Kommunalbestyrelsip qinnuteqaat § 6 imm. 1 malillugu suliarineqartussatut naatsorsuutiginnippagu tamanna qinnuteqaatip suliffissarsiuussisarfirmut tigusineraniit kingusinnerpaamik ullut marluk qaangiunneratigut qinnuteqartumut nalunaarutigineqassaaq.

Qinnuteqaat nal. 12.00 sioqqullugu suliffissarsiuussisarfirmmut qinnuteqartumit tunniunneqarsimappat aqaguani nal. 10.00 nallertinnagu akineqassaaq.

§ 8. § 5-imi imm. 4-mi, § 6-imi aamma § 7-imi imm. 2-mi akissuteqarnissamut killissarititat eqqortinneqanngippata qinnuteqartup qinnutigisimasani akuerineqarsimasutut naatsorsuutigisinnaavaa.

§ 9. Sulisussamik avataaneersumik atorfinitsitsinissamut imaluunniit sulisoqarnissamut akuersissut piffissamik qinnutigisamut qaangiisinnaanngilaq.

*Imm. 2.* Atorfimmut ataavartumik atorfigitikkusutamut akuersissut piffissamut aalajangersimasumik sivisussusilimmuut atuuttussanngortinneqarsinnaavoq, tak. inatsimmi § 6 imm. 1. Patsisissaatitaasoq tassaavoq akuersissutip atuuffiani qularnaallisinneqarsinnaassasoq siunissami sulisussat pineqarsinnaasut allanngornissaat.

*Imm. 3.* Akuersissut piffissamut aalajangersimasumut sivisussusilimmik atuuttussanngortitaq qinnuteqaqqinnikkut sivitsorneqarsinnaavoq.

§ 10. Sulisitsisoq kommunalbestyrelsip inatsisip § 6-ia naapertorlugu aalajangigaanik Naalackersuisunut naammagittaalliuuteqarniaruni naammagittaalliuutini allakkat puuannut "sulinissamut akuersissut"-mik nalunaaqqutsikkamut ikillugu Naalackersuisunut nassiutissavaa.

§ 11. Suliffissarsiuussisarfiup qinnuteqaatit aamma akuersissutit tunniussat kiisalu suliffissarsiortut suliffissarsisarnerat tunuartarnerannillu nalunaarutaasartut nalunaarsussavai. Aanunattaq suliffissarsiuussisarfiup suliffissanik ilisimaarinninnini kiisalu pisortat ingerlatsiviinik allanik suleqateqarnini tunngavigalugu alaatsinaassavaa inatsisip aalajangersagai malinneqarnerut.

§ 12. Suliffissarsiuussisarfiup sulisitsisut paasissutissanik makkuninnga paasiniaaffigisinnaavai:

- 1) suliap imaanik pisinnaasassanillu, matumani aamma sulliviup suleriaasiinik, piffissamik suliffiusartumik, pissutsinik akissarsianut ineqartitsinermullu tunngassuteqartunik,
- 2) sulisoqassuseq sulisinnaasunillu pisariaqartitsineq, matumani aamma piginnaassutsit agguataarneqarnerat,
- 3) sulisorisat Kalaallit Nunaanneersut, matumani aamma sulisartut Kalaallit Nunaannut immikkut ittumik attuumassuteqartut, avataaneersullu agguataarsimanerat, aamma
- 4) suliffeqanngitsunut suliffissarsiortunut siusinnerusukkuut suliffiusimasinnaasuni suliap taamaatinneqarsimaneranut pissutaasoq.

§ 13. Suliffissarsiuussisarfiup sulisussanik avataaneersunik atorfinitsitsiumalluni qinnuteqaatit naatsorsuusiorlugit Isumaginninnermut Suliffeqarnermullu Pisorta qarfirmmut nalunaarutigisassavai. Aamma suliffissarsiuussisarfiup suliffissanik neqeroorutit nalunaarusiorsinnaavai.

*Imm. 2.* Suliffissarsiuussisarfiup suliffissarsiorlutik saaffiginnittut sulisinnaasullu sunik suliaqartarnerannik katitigaanerat kiisalu suliap suunerannik agguataarinerit sulliviillu angissusii naatsorsuusiorsinnaavai. Naatsorsuusiat assilinerat Isumaginninnermut Suliffeqarnermullu Pisorta qarfirmmut nassiunneqassaaq.

*Imm. 3.* Isumaginninnermut Suliffeqarnermullu Pisorta qarfiup imm. 1-imi aamma imm. 2-mi nalunaarutigineqartussatut taaneqartut najoqqutassaat aalajangersaavigissavai.

*Atortuulersitsineq*

**§ 14.** Nalunaarut manna atortuulersinneqarpoq 1. september 1993 aallarnerfigalugu.

*Imm. 2.* Tamatumunnga peqatigitillugu kommunini suliffissarsiuussisarneq suliffissarsiortullu killilersimaarneqarnissaat il.il. pillugit Namminersornerullutik Oqartussat Nalunaarutaanni nr. 40-mi 18. september 1990-imeersumi §§ 8-18 atorunnaarsinneqarput.

*Namminersornerullutik Oqartussat, ulloq 26. august 1993.*

Henriette Rasmussen

/

Nukákuluk Kreutzmann